

重修盧氏縣誌卷之十二

樓峯郭光澍霖三氏編次

祥異

洪範休咎之徵各以類從蓋陰陽相感而吉凶預告使有位者驗省防弭斯見天心之仁愛也漢世諸儒亦縷縷言之矣爲治者奉若天道又安在而可忽與誌祥異

周

春秋莊公三十二年神降於莘虢公使祝應宗區史囂享焉神賜之土田史囂曰虢其殆乎吾聞之國將興聽

於民國將亡聽於神僖公五年晉滅虢

見左傳

明

嘉靖二十九年城隍廟災廬舍俱燼修復三年始成

萬曆四十三年地震廬舍崩塌止存城隍閔帝二廟四

十六年大蝗

天啟六年黃霧四塞繼而雨雹民飢

崇禎五年桃李冬花九年飛蝗蔽天格澤夜見禾櫓生

人賴存濟十年地生螟寸長黑色食禾盡十三年夏不

雨七月霜父子相食餓殍徧野十六年腊月十七日雷

震地裂十七年正月朔大雪晝晦如夜

國朝

康熙八年城東五色雲見大有年二十二年東北璠雲
見三十六年洛水溢四十六年五月洛水溢五十二年
文廟古栢棲雉五十三年教諭宅蓮花並蒂

雍正八年地震十年文廟正殿大梁生木靈芝三本是
年登科者三五月二十七日雨雹如拳

乾隆七年八月十二日雨雹十二年正月十三日天鼓
鳴

嘉慶十四年己巳高村麥一莖五六穗瑞不止於双歧

秋大有年 十八年旱飢

道光六年大雨兼旬沙河水破城而入東門一帶址基

蕩然無存修築数月工始竣 十六年飢 二十六

年四月初四日沙河陡漲沖破城垣十餘丈時天旱

禱雨南門封閉水無路可出壞民廬舍無數人畜溺

死者甚多 二十七年大飢道殣相望

咸豐元年衙前村石鳴 三年龍項村段氏祖塋木生

連理 五年秋飛蝗蔽天 六年七年蝻生

同治元年七月蝗 五年四月隕霜麥苗枯果寔盡落
九年十一月有火光自東而南聲震林木 十一年
馮家灣村麥秀双歧地約畝許

光緒二年旱 三年旱大飢父子相食死者不可勝計
八年六月初四日洛水大溢漂沒田廬人物無筭有
蜮 十年六月大風拔木 十三年八月初二日已
刻洛水上下百餘里渡口六處同時舟覆而俱未傷
人 十六年洛水溢

附事變

明

萬曆四十八年靈邑張國安作亂盧民征勦擒獲渠寇

李宗善

天啟六年觀音 飢民作亂發兵征勦陣亡把總張翼

冲等三人

崇禎六年十二月初二日盧城初陷焚縣治倉庫七年

七月十三日總兵尤世威號台禦寇苦戰陣亡鄉導把

總楊文緒等是年冬徐兵鼓噪知縣白楹安撫之八年

十二月二十八日盧城再陷屠焚一空十三年十一月

二十七日夜半山賊余少樓登城東南已陷半面鄉民
胡應聘宋成功楊忠起五人奮勇爭先刺中賊首趕殺
餘賊墜城外詰旦十字街祭神賞功賊造攻具圍猶未
解是夜生員孫孕秀糾合鄉勇自火焰城突圍人援助
官防守拒戰數日賊退解嚴十四年五月李自成張獻
忠羅汝才三營巨寇集盧避暑盧城三陷火焰城拒守攻破
屠之

國朝

順治五年十月初一日石朶山張天澤等謀叛襲盧城

人覺禦之知縣劉澗左背帶箭大兵征勦至甲午年始
得平定

嘉慶二年三月楚匪齊二寡婦寇棗川 三年冬張漢
朝寇橫澗

咸豐七年五月刀匪崔狗娃寇棗川 十月楚匪蕭曠
等寇棗川三川

同治元年壬戌四月粵匪陷盧城盤踞三日始去 閏

八月初一日晚匪再陷盧城盤踞幾二十日 三年

甲子捻匪張宗禹二月十八日來三月十六日去棗

川殘破已極 三月粵匪寇朱陽關 八年九月陝
西亂兵逃竄由城南經過幸不爲災

光緒四年靈寶張尙義暗通教匪煽惑飢民事洩被擒

重修盧氏縣誌卷之十三

樓峯郭光澍霖三氏編次

古蹟

城樓台亭庵園莊洞池閨坊橋祠寺觀井石雜誌

古今之不相及也千百年間追遡杳無所憑藉將何以緬懷前徽而於古人之氣息精神曠世而相感乎惟是古人芳躅餘韻必有陳迹留遺即世遠風微皆可依托慨想上遡德音固恍然有神契者即古人至今存可也志古者其可以興矣誌古蹟

城

伊尹城

在棗川伊水濱即伊尹耕莘處舊趾猶存盧號莘川本此

火焰城

在縣東十里失考

樓

老子樓

在老君山高峰插漢樓踞峯巔石柱鉄瓦有老子騎青牛像

嘯月樓

在澗西李炳退

地休

養正樓

在黑了峪西偏村人朔望宣講令趙贈里仁足風匾額跋云里有仁厚之俗爲

聖諭處邑

美本縣忝署邑篆年餘勸戒多端無非以此爲吾民期查該峪居近百家士農工商各安本業既鮮游情復少爭訟不可謂非仁厚之俗也書曰表厥宅里樹之風声故旌之以爲該峪勸並爲合邑風

藏書樓

在城西南隅高與魁星樓齊吏部驗封司員外郎杜桂建

臺

號台

在東郭外北岡廬舊屬號地台因名之脩郭臨洛覽畫一邑勝槩遊人多晁眺於此

亭

官亭

在白石峪廢橫波亭在興國寺後俯臨洛水邑人修禊處涼亭在今

廟左側宋岳武穆遣將牛皋提鷺亭在棗川兵由此東取長水縣恢復西京鷺亭鷺水上

庵

太白庵

在南関今廢遺趾猶存

望雲庵

在霞

雲溪庵

在伏龍山麓今廢慶

雲庵

在仙峪今廢

老子庵

在文峪

大悲庵

在茅河

白雲庵

在蘇家凹高踞峰巔清靜幽雅

園

祈乘園

在東澗左側

莊

耿家莊

文恪公別墅在稟川伊水濱

洞

尹喜洞

在伏龍由麓雲溪庵內喜受經修煉於此

扁鵲洞

在伏虎山懸崖扁鵲丹竈處故洞名

因之俗各
仙人洞

過風洞

在抱犢山洞

東西透亮中際寬濶可容百人有抱犢真人像

蓮花洞

在抱犢懸崖滴水石秀皆成蓮花

龍女洞

在山

葉王洞

在山角

降魔洞

在官坡

仙音洞

在文峪山口

九龍洞

在茄子河洞口有樹一株每歲易葉人莫能識俗傳中有九龍故因以爲號

池

養魚池

在澗西亦李炳退休處

關

虎豹關

在十八盤東控永宜西通關陝元察宰鉄木耳率義兵由此收商洛恢復陝西

鉄關

即今鉄嶺一金大正年間拒元師相戰於此

坊

鎮東坊

在東關今廢

函谷鎖鑰坊

在鉄嶺今廢

秦川入眺坊

在寺兒嶺

今廢江漢澄清坊

在朱陽今廢

橋

瀝橋

即東澗橋爲邑八景之一今廢

祠

房公祠

在城東倉上村一唐開元間瑄上封禪書張說奇之授盧氏合建倉於此土人立廟祀焉

白公祠

在縣治西一明未宰盧流寇陷城死之里民建祠奉祀

韓文公祠

在土地嶺上每年二月初二日爲會期鄰封數百里外均感靈異香火之盛爲一邑冠

張公祠

在縣西一里祀元縣令張世英今廢

王夫子祠

在城內瘟神廟東間壁兵部侍郎莫瞻棻爲邑人榮祿大夫王景福建

寺

行香寺

在北

興國寺

在縣洛水南

龍岩寺

在北蘓村勅鄂公建

觀

成德觀

在城東門內一五代閻頊德四年一宋一金一

太清觀

在老君山萬曆二十三年遣中使發帑金勒建宮殿頊賜經卷貯于中明未晦蝕無餘順治間

黃冠王調元重修

長春觀

在棗川道人劉遂真修煉處

青牛觀

在武山下

在號台康熙五十二年重修

紫虛觀

在澗底村

玉清觀

一在張麻村一在文峪

集仙

觀

在南蘓村鍊真觀頭嶺

井

三眼井

在女廟聖域門東側甘冽殊他井

官井二處

一在縣治前一在大街

義井

在北大街琉璃井

在盧古寨內

皇姑井

在麻家灣村西里許上有皇姑廟命名未詳所
自過旱禱雨輒應

石

禹盆石

在洛水山河口爲大禹鑿山導洛處峭壁如削
上有古篆字不能識辨足迹手印猶存岸旁有

石盆

龍王石

在三川東山密石成罅湧清泉係湯河源
南流注漢江石上一孔闊寸許長數尺中

有神龍每當春夏雲霧氤氳常覆石上龍時現形孔外
金鱗五色霞光燦爛奪自秋分則潛俗稱鎮江龍云

簸箕石

在三川距龍王石里許
舊誌誤爲龍王石今改

望夫石

在三川鎮比相傳抱犢真人飛昇其妻鮓而不
見登石望之至今足跡確印猶存

城隍廟中石

橫峙僧寮門首濶尺許長大餘嶙峋入古
上刻五言古風一首書法勁峭與時派判

若天淵惜風雨剝蝕字多殘缺惟篇終四句云應難
草木朽羞談金鉄堅願我陵霄侶莫作拳石看未後

署居易齋主人漫題圖章有海陽乙卯文元字樣以舊誌攷之乃明季金鄉知縣亢曜手蹟也

社

東皇社

在火焰城西

湖

太湖

在村閔太湖嶺下

范蠡湖

在范蠡鎮西鎮卽以是得名前明霍鵬題詩鐫石現存學署西壁

廟寺

自來鼎新祠宇一由於神靈之顯赫一由於人心風俗之和厚而能不廢其祀事寔由於神承天以佑民年穀

順成比戶皆有餘貲以成其善念故觀諸所以棲神者而一鄉氣運之盛衰與一時積蓄之厚薄皆因以俱見焉特致虔誠於朔望繇祈報於春秋金碧輝煌香火楫爲極盛非累世培養不至此則廟寺附古蹟而誌之也
固宜

城內

城隍廟

在縣治中街北

瘟神廟

在城隍廟左側

盧医廟

在東街

地藏庵 在城西北隅

火神庙

在文昌祠左一乾隆十二年城守營把總趙明如創建

旗纛廟

在守修署東

東閔

三官廟

真君廟

白衣庵

西閔

閔帝廟

南關

河神廟

北關

關帝廟

在行香寺左側山西商人新建

東路

延壽寺

在寺河村

大淙廟

在胡家寨村明成化間縣令姜建萬曆間重修
因朝雍正二年修理

觀音堂

在火焰城南

帝堯廟

在火焰城東

弥陀寺 在仙峪

歷代名醫寺 在北蘓村東陸

關帝廟 在蔣渠村

天王廟 在蔣渠村

關帝廟 在高村

觀音堂 在蔣渠

高廟 在山河內石壁懸崖離地高五六丈上有禹書古洛字劍迹宛然邑令劉應元令工繪圖鐫石現

存考院至公堂東壁

東南路

三官廟 在伏虎山麓

華嚴寺

在文峪

龍王廟

在磨上村

福祿寺

在東張村

關帝廟

在南蘓村

太山廟

在南蘓村

結義廟

在范里鎮

雙泉寺

在范里鎮

玉皇洞

在范里鎮

禹王廟

在涼亭坡金斗山

觀音閣 在十八盤頂

太山廟 在三川

龍王廟 在龍王石

關帝廟 在棗川鎮

千佛寺 在棗川鎮

朝陽宮

太和宮 俱在老君山下

帝君廟 在黑了峪村

土地廟 在澗西村

關帝廟 在大石河鎮

溧水廟 在叫河下有溧水潭上有溧水橋

三官廟 在七虎溝口

十方院 黃冠王冲如居此學問淵博筆意疎古所

撰降魔宮碑文及自作墓誌與絕命詩語多粵衍迴殊時不恒蹊疑與賈尙桓同爲明李隱君子云

火神廟 在三川北街

東寺 在范蠡鎮一名龍崖寺

立山廟 在三門街西嶺上

龍王廟 在官田村

西路

太山廟

閔帝廟

在澗北

大明寺

在青石閔口

閔帝廟

在張麻村明御史
任佐屢蒙靈佑

乾明寺

在潘河明太原府參
軍權標曾施香火地

西南路

閔帝廟

在崗上

資福寺

在橫澗

閔帝廟

在東營
子村

土地廟

在二道埡

南路

城隍廟

在衙前

河神廟

在趙村

真武廟

在青山嶺

元武廟

在熊耳嶺

十方院

在熊耳嶺西

白華寺

在南山

閔帝廟

在朱陽關

栢林寺 在朱陽閔

閔帝廟

在趙村

祖師廟

在石橋村

萬安寺

在朱陽閔分州宋之睿有正月十五日冒雪拈香詩

北路

號王廟

在號台一康熙二十四年重修周號仲封此士人立廟祀之

文昌祠

在號台一明天啟辛酉建修國朝乾隆六年重修

九天聖母殿

在號台一明嘉靖間重修

石佛寺

閔帝廟 俱在杜閔

祖師廟 在太湖嶺

大淙廟 在大嶺頭 唐初勅封豐公老龍 歷代修葺 邑人遇旱致禱輒應

閔帝廟 在官道口

祖師廟 在鐵嶺上

葉王廟 在杜閔

西北路

奶奶廟 在黑馬渠

看坎寺 在九龍山嶺下 臨唐魏公張士貴祖塋

龍王廟 在九龍山上舊蹟傾頽邑令趙鼎五重建

龍王廟 在東渠村後每歲祭水雹處

東北路

山神土地廟 在太平寨

龍王廟 在太平寨下

祖師廟 在塔子山

光緒七年撫憲涂以邑令熊之源禱雨有應題奏

閔帝顯靈蒙

御頒仁暢惠渥扁額又題奏本邑

城隍顯靈蒙

御頒祈年大有匾額

重修盧氏縣誌卷之十四

樓峯郭光澍霖三氏編次

藝文

傳云觀乎天文以察時變觀乎人文以化成天下而字
由文章煥焉故三不朽立言即居其一言之無文行而
不遠自古名公鉅卿忠臣孝子其德行功業雖足彪炳
天壤藉非言以傳之何以蜚芳聲騰茂實使千百載下
靡不觀感而興起乎即夫山林泉壑往蹟遺蹤僻在荒
幽草莽間一經學士之歌唵而風流所被遂不湮沒是

知文章之道甚重宇宙間悉賴之以不朽也故廣搜一
邑之內不少鴻篇傑作凡所以表彰德行功業及興懷
遊覽係於治化風土者校而列之燦然可觀矣誌藝文
諭祭耿九疇勅

維天順五年歲次辛巳三月壬申朔初九日庚辰遣河南
布政司左叅政姚龍賜祭於南京刑部尚書耿九疇曰卿
以醇篤之姿耿介之操歷官中外祇事累朝出鎮關西而
冰蘖之聲益著入居台憲而激揚之志不撓聿秋官之得
人惟欽恤之有賴方隆委任一疾告終訃音忽來豈勝悼

嘆茲特遣官御祭以全終始之義靈如不昧尚其欽承

諭祭耿九疇勅

維天順五年歲次辛巳三月壬申朔十三日甲申遣河南
布政司左叅政姚龍賜祭於南京刑部尚書耿九疇曰卿
爲國重臣茲焉長逝日月易邁窀穸倏臨追念徃勞曷勝
感歎特遣諭祭尚克饗之

諭祭耿母勅

維成化十四年歲次戊戌三月癸亥朔十八日庚辰遣河
南布政司右叅議王銓諭祭於吏部右侍郎耿裕母太夫

居上果言 卷之十一
人高氏曰維尔淑慎其儀冰霜其節訓成令子効用於朝
推厥本源良足嘉尚茲以壽終夫復何憾遣官致祭用示
殊恩尔靈不昧尚其饗之

頌

明

王孝子祠獲鼎

李炳

萬曆四十五年王邦才爲其父孝子建祠取土得鼎
重數鈞形圓腹鼓環耳儼如秦漢間法物邑人聚觀
以爲孝感所致因相屬爲頌勒石

大哉孝翁百行攸叢長公祖之達孝於忠維天旃祐禮祀
攸崇鼎應神符獲諸土工遐及時日載現祠宮吁嗟忠孝
造化攸通攸匡人紀攸砥頽風億萬斯年配於嶽嵩

又

劉蔚

神禹象鼎維周定之叶吉出幽維翁應之維翁之孝啟祐
厥忠攸矩攸矚則世靡窮於維則世格尔帝心寵旃神物
炳於古今

又

李作又

孝而祠人所祇也祠而像人所儀也像而獲鼎人所奇也

廬山集言 卷之十
三
億萬斯年祝之厘也

議

國朝

修城議

靳柱明

廬僻山叢人民散處地勢遼廓所恃者一城而已其城並
無磚砌止用土築既非統萬蒸土之堅亦鮮金斗試錐之
固且東北水患西南沙湧旋築旋圮旋圮旋築歷歲經年
迄無甯宇哀我憚人未有已也欲爲一勞永逸計非易以
磚石不可萬厯年間紳士王邦才會議興修爾時民繁物

阜饒有餘力百雉斗城何難咄嗟立辦無奈爲怨家飛謗
竟尔阻其成謀事既中輟而城遭屢陌至今百年遺恨痛
失時也今盧旣荒殘磚城之議料弗能諧而循其故址增
高培薄尙可爲之或者曰時方太平何用城爲不知王公
設險以戒不虞國家甯可有百年無事之日殘疆不可有
一日不具之城况盧處萬山地連三省倘伏莽潛荏偶尔
竊發調外拔則鞭長不及憑內守則陴陋可虞何恃而不
恐計惟有計其城之尺丈料其人之多寡每歲農隙一夫
之力浹旬可成三尺增高培薄一年止修一面積四年之

力可具一城或者憚於興作未敢輕舉昔崇貞甲戌戎馬
交馳署印郝公奉委督修增高五尺培厚一丈數月告竣
前任尙公濬鑿城濠弥月工畢當此桴鼓不警而謂數年
不能成一城者誰其信之謹條末議望後之生斯土者宜
思破巢毀卵之慘弔勉綢繆卽蒞斯土者亦宜安不忘危
經制督率慎無兀坐窮山甘以其身爲孤注也則幸矣

修甑城議

李宣政

盧土城也殘廢舊矣歲壬戌復再陷楊侯彬督民重修之
然楊侯未修城城尙可修楊侯重修城城竟不可修何言

之環城土脈虽疏散厚基而堅築之即易敗猶少延歲月
一自舍外補內依垣浚隍四崩五裂而後來無從措手矣

今試即目前統計之修城必填濠填濠是也然新填之濠
縱加杵築勿寔也跨填濠而植基牆博翻虞其下陷依舊
垣而縮板牆薄又患其中畱此皆必弊之道也夫以必弊
之道耗有用之財是修之等於不修也是修之不如不修
也故曰揚侯重修城城竟不可修然則城可不修乎曰烏
可不修也大盜縱橫驚聞時至苟無城奚以守然則量移
壕外若何曰不可東阻沙河不便然則盡毀舊基若何曰

不可猝無屏翰更不使然則城竟不可修矣不可修又不
可不修修之將何如曰是易知弗思耳避舊濠依舊址基
之以石砌之以甄財出於民事統於官佐之以公正勤能
之紳士錢歸公局主之者必有廉隅物入料場司之者勿
雜貪鄙官民一体上下同心彈丸之城工可數月竣也又
何不可修之有不可修土城耳然則財力不給奈何曰土
城不費乎今修士城其費不下數萬緡且不堅需歲修甄
城費差浮然一勞永逸可持久暫省不能常省者貴乎一
費不復再費者貴乎且城僅三四里周圍不過八百丈高

三丈以大甃砌之其費不過三萬緡益之以灰料等項數敵此足矣視土城之費多幾何兩利相衡取其重兩害相形取其輕敢請擇於斯二者夫事以人舉亦以人廢修城本美事而揚侯不克蒞者事則是而人則非所用之人又非也今侯秦公家駒琴鶴自隨口碑載道庶幾不踵揚侯誤

考

熊耳山考

任彥方

豫州有三熊耳一在澠池爲梁時胡僧達磨葬處一在宜陽乃光武破赤眉之地所謂積甲與山齊者也若導洛言

於虞書則當以盧氏爲斷離城西南七十里孤峰聳峙如能耳形其麓迤東至下山河復嶂重巖水道不通禹乃疏而鑿之縣崖上有古洛字劍迹宛然相傳爲神禹誌施功入平處但熊耳盤基甚廣等於伏牛東南接本邑棗川西連陝西高州界商州卽晉時上洛而棗川有問頓嶺今伊水發源於問頓嶺漢晉地志注乃俱云熊耳山在盧氏縣東伊水所出蓋袤延繇亘數百里同此一名故班固以熊耳屬盧氏郭璞以熊耳屬上洛其實非兩山也又水經洛水出京兆上洛縣謹舉山東逕熊耳山北東過盧氏縣南

注云縣在鴈渠閔北鴈渠水南出鴈渠山一源兩分注於
洛鴈渠一名苟渠亦即熊耳山之殊稱耳且書言導洛則
當以洛水爲據澠池宜陽二山去洛水既遠又皆在洛水
之北而熊耳外方桐柏均在洛水之南禹貢畫井分疆不
應雜施無等明乎此旨則同名異地無目相蒙而顏師古
謂在陝東孔安國謂在宜陽西者其說紛歧皆可以存而
不論矣

書

明

寄百姓書 萬曆七年

知縣何以執

粵西興業何樂川書寄雋治盧氏閣邑百姓知之余昔筮
仕大邦才庸識淺徒自竊祿四載不曾與百姓造福清丈
地畝又不能終始其事自思罪過則有功德則無行時尔
百姓乃爲余留靴立石將予去車挽遠四街各門擺列香
果老幼羅拜攀轅號泣不忍相別此是尔邑民情之厚在
余實有愧心別後到家修余祖業教子讀書聊可消遣光
陰易過倏忽又是四年前適有人送報到山見河南地方
十分飢饉予甚痛念尔百姓其間貧難者多不知彼時何

以度日及今再入中州聞得本年豐收又爲尔百姓歡喜
以後但能不忘勤儉凶年自是有備聞尔新任父母郭爺
愷悌精明撫字憂勞是尔百姓之福也向言慈母遠來信
有明徵今予北上道經中州便書以示

書阮公詳文後

張月桂

嗚呼阮公其可謂賢令與余於公之詳文而見公憂國愛
民之意鬱於中而溢於辭竊欲俎豆我公也當公以清丈
至盧盧之民逃亡殆盡非能哀號求救也卽公於盧民亦
非若陽城潁谷間素所撫而理之也而盧之田賦得遂舊

額卒賴於公此非盧之民劉生之鄒死之公更生之耶夫
世之爲官者視其署爲傳舍視其民若秦越嚴刑重罰而
不慮甚於毒蛇猛虎又詭爲勸墾報荒之名繭絲竭澤以
希圖課最僥倖超擢及其人已去後之莅茲土者因循苟
且莫肯發露一旦穢迹彰聞上官詰責猶或顧惜瞻徇代
爲回護比比然也獨公扶劉抵鄒剖析利弊懇懇欸欸以
一身爲百姓請命嗚呼可不謂賢與子嘗讀公之文如加
狼肥國瘠國之論殆誠深切著明哉至於有瘡待補無肉
可剗若不收效桑榆雖焦頭爛額無及又何子音嗷嗷也

所謂一字一淚不虛矣惜乎盧志簡略脫公之名字里居而不傳也今歲之春偶得登封志於京邸閱其職官不覺鼓掌稱快以爲十餘年來所欲俎豆其人者今始如親見之矣至考公行事修戟門旌傳氏外其他殊寂寂焉豈登志遺公政績亦如盧之脫名字里居而不載與何不與成麟皇張祥如輩並垂休美也雖然公固生盧民者也盧之民公生之則公之賢盧戴之矣予之欲俎豆公者卽以盧焉可也公諱振益節菴其號會稽選貢云

啟

季考啟

本府知府汪 楫

蓋聞負圖河側丹書呈龍馬之祥造宇台邊赤甲啟神龜
之秘歷代繁華之窟地號京都千秋理學之宗派分伊洛
春明坊外曾傳宋氏書倉金馬門前舊識漢家蓬觀嵩洛
甲山水之秀人文萃今古之奇溯厥由來惟斯爲盛韓公
子著書孤憤賈太傅獻策萬言三禮圖成講堂生色五經
論就書肆流芳尹子漸之學術不愛詩篇韓宏業之生平
懶求章句宜陽處士暮依立雪之門京兆功曹晚入然藜
之室他如賈家父子誥冊輝煌楊氏弟昆文詞典贍嵩山

學究留題酒肆之詩國子先生推獎華山之賦梁肅舉文
詞清麗肅所推博學宏辭宮中誇才子之名洛下盛諸生
之詠以至子文字學伯英墨池各有流傳都成絕妙僕早
年慕道夢登程卽之堂中歲承明蹟愧鄒枚之執文豈通

乎吏治何堪表率外台學未達乎政源有愧專臨一府歌

慚杜母誰云指顧成風蹟比漁翁漸覺頭顱欲雪素琴野

鶴喜作新知緇帙縹囊難忘故習文翁治蜀興學爲先張

霸臨吳明經是尙士風不振晚俗堪悲潘揚顧陸消日月

於笙歌李趙崔盧付韶華於裘馬每嗟紈袴罕接詩書卽

或捷徑登朝終恐致君無術而單門寒峻削跡隳心毛錐
無脫穎之期硯田少有秋之日青毡半幅入遭妻子之嗔
白首一經出被兒童之笑遂至棄繻早歲投筆中年夫穠
季負書田虛二頃盧仝弄筆屋破數間果立志之能堅豈
耽書之鮮效若夫兔園拙士縫掖迂儒習四子之篇但尋
糟粕摘五經之句各襲籒籀目不見戰國以後之書耳不
聞學海無窮之蘊畫工肖虎羣自負其揣摩技盡屠龍恐
無関乎事業所以揆之本末斷惟寔學爲歸論到源流尤
以兼長爲美今當

聖主右文之日正羣英奮跡之時人材寔王國之楨鼓舞亦有
司之責非循故事久切觀光茲者商飈拂樹秋迴夜半之
聲流火辭窗爽挾朝來之氣烟雲欲褰硯席長清擬於魁
星散采之辰共載文圃鏤青之管想十四屬以內風流大
有可觀計七百里而遙遠近終難畢至所願三明七穆挾
鉛槧以俱來兩到双丁搆瓊瑤而遙寄潘郎縣裏千枝皆
桃李之花衛尉園中七尺盡珊瑚之樹會塗山之玉帛寶
氣萬重覽赤城之雲霞瑤光十丈爭短長於一日卜通塞
於終身愧文正之識鄭公豈乏才堪王佐笑主事之斥維

翰何妨姓是扶桑五色糝糊眼難分乎青白千秋衡鑑筆
敢用夫金銀

記

元

虢州盧氏縣成德觀創修三門記

飛騎衛尉賜緋
魚袋行盧氏令魏知彰

大定癸卯之春予到官三載矣會兵部符下求天下郡國
山川古迹及州縣廢興之所由使儒者參校其實而聞於
上予因得以按圖經詢故老復以經史考之凡境內之事

遂畧得其說而妄以臆斷其非是蓋盧氏爲縣自西漢時
隸宏農郡去郡東南百有四十里圖經云盧敖得仙於此
後因以名縣至今巖居穴處以修煉爲事者皆是也是豈
盧之遺風歟至於縣治予意自漢以來遷徙不常窈有所
疑焉書曰熊耳外方桐栢孔穎達謂熊耳在盧氏東顏師

古注前漢書謂在峽東導洛自熊耳孔安國謂在宜陽西
即今壽安所改者三家所言其地皆一也按前漢地理後
漢郡國志又李賢按衆說謂洛水自熊耳山出以今觀之
縣之西南四十里有熊耳山洛水之源猶在其西北經縣

南一里許東流至洛口而入於河距宜陽之山幾二百里由是言之則禹貢所謂導洛者似非宜陽也或曰盧氏即古宜陽是說不見於史傳無所取信縣有古觀一區相傳爲盧敖結茅之地盧乃遯世者也不應居闕閭中故予疑縣治當在西後徙於今治所以今昔不同也觀有石刻云周顯德四年採造使張漢芝以銀錫泉湧謂得神助卽其地爲道院宋太平興國之元改爲觀以成德名之宣和間藉其土田以資其徒觀有玉皇殿一東西小殿二法堂之左曰齋曰廚者各一獨門觀闕焉豈舊無之耶抑有而隳

壞不復完葺耶石刻不載莫得而考知道士孫抱醮以齋醮所獲銖積寸累經營數年臨通衢築土基三尺構屋其上爲三楹頗爲壯麗又將爲龍虎二神於門之左右是則觀之制度幾於稍完矣落成有日抱醮請予爲文以記之予謂道之在天下也百姓日用而不知自古尊黃老者雖有尚無爲貴清淨之說是皆道之糟粕其元理妙用又烏可得而言語况一時土木之功欲以爲道是猶適楚而北轅其不相涉也可知已雖然自李唐以元元爲始祖崇尚道法後世從之上下成風至宋而極矣居是門者欲誘化

屋上集言 卷之四 三
世俗俾因跡以悟真苟不嚴其像設大其館宇曷以使人
有敬向之心哉抱醕之意豈在是歟故爲記觀興之始未
並論縣治之遷革云 大定二十四年歲次甲辰